

UKA 2020/25

KAL Ilanngussaq  
Bilag 1-5



Imm 25  
Ilanngussaq 1  
Bilag

Suliffeqarnermut, Iisimatusarnermut  
Avatangiisinullu Naalakkersuisoq  
[isiin@nanoq.gl](mailto:isiin@nanoq.gl)

Ulloq: 3-8-2020

J.nr.: 01.36.02.03-00227

**UKA2019/25-mut apeqqutit: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq.**

Naluneqanngitsutut immikkoortoq 25 UKA2019-imi aappassaaneerneqannginnermini kinguartinneqarpoq. Ataatsimiititaliap paasinninnera malillugu Naalakkersuisut siunnersuummik saqqummiunneqaqqaartumik arlalitsigut allannguiniarnerat kinguartitsinnermut tunngaviusimavoq.

Taamaattoqarpat siunnersuummut allannguutit suut saqqummiunneqarnissaat isumaliutigineqarnerasoq, kiisalu suliap killiffia nassuiaatigeqqullugit Naalakkersuisut ataatsimiititaliamit qinnuigineqarput. Tassunga atallugu ataatsimiititaliamit Naalakkersuisut qinnuigineqarput, ataani apeqqutinut siunnersuummik UKA2019-imi saqqummiunneqartumik aallaavilinnut isummerfiginneqqullugit.

Naalakkersuisut allanik paasissutissaateqarpata suliamut attuumassuteqartunik taakku tiguneqarnissaat soorunami ataatsimiititaliamit aamma soqutigineqarpoq.

#### Siunnersuutip aningaasaqarnikkut kingunissai

Siunnersuummut nassuiaatinut nalinginnaasunut aallaqqaasiummi allassimavoq, "...siunnersuut pisortat namminersortullu suliassaqarfiini sunniuteqarluamerulersitseqataassasoq, nalinginnaasumik naatsorsuutigineqarpoq. Siunnersuutip atuutilersinneqamera taamaalilluni inuiaqatigiit kalaallit neriulluamartumik ineriartornissaannut iluaqutaasussaavoq."

#### **1. Sunniuteqarnerulersitsinissaanik naatsorsuutiginninnermut tunuliaqutaasoq nassuiaatigeqqullugu Naalakkersuisut qinnuigineqarput.**

Kiisalu siunnersuummut nassuiaatini ima allassimasoqarpoq:

*"Siunnersuutip aningaasaqarnikkut allaffissornikkullu kingunerisa nalilersomera annertuumik nalominartortaqqarpoq, aalajangersimasumik sunniutaasut arlaqamerat*

eqqarsaatigalugu...Taamaattoq siunnersuut ilaatigut allaffissormermut, periutsinik pilersitsinermut kiisalu allanngutsaaliuinermut aalajangersimasunik aningaasartuuteqarfiusussaavoq. Siunnersuutikkut aningaasartuutaanerusut allat suliasaqarfimmit nalinginnaasumik ingerlatsinermut ilaassapput, ilanngullugit pingaartumik ilinniartunut ilinniarnersuutitut kiisalu inuussutissarsuutitut ilinniartunut ilinniaqatigiit amerlinerannut aningaasaliissutit...Tamakku puigomagit ataani naatsorsuinerit isiginiameqassapput, tamatumunngalu atatillugu aningaasanut inatsisissatut siunnersuutip 2020-p suliarineranut atatillugu sinaakkusiussanik takutitsisuullutik."

"Siunnersuut naatsorsuutigineqarpoq aningaasartuuteqarmermik isertitaqamermillu kinguneqassasoq. Ungasinnerusumut isigaluni inuiaqatigiinnut iluaqutissartarai suliffeqartut amerlinerat, ilinniakkat qaffariarnat kiisalu tunisassiomerulerneq siunnersuummut ilanngullugit naatsorsorneqanngillat. Nalinginnaasumimmi imaattarmat iluanaarutit aningaasartuuteqarmerup kingorna aatsaat iluaqutigineqalersinnaasarlutik. Lærlinginik sungiusaammillu sulisunik atorfinitsitsinermut pisortat aningaasartuutaat ingerlatsivinnut pineqartunut maanna akuersissutit iluini pisariillisaanikkullu akilemeqarsinnaassasut isumaqartoqarpoq. 2020-mut aningaasanut inatsisissatut siunnersuummi siunnersuutip piviusunngortinneranut aningaasartuutit ilanngaasariikkat piffissamat 2020-2024-mut agguallugit 45,05 mio. kr.-iussapput."

Siunnersuutip aningaasaqarnikkut kingunissai nassuiaatini qaapiaannartumik allaaserineqarmata, ataatsimiititaliaq taakku pillugit Naalakkersuisunut apeqquteqarpoq. Ataatsimiititaliap apeqqutaanut akissumminni Naalakkersuisut ima paasissutissiipput:

"Kr. 45,05 mio. kontumi pingaarnemi 20.11.70-imi immikkoortinneqartut, kiisalu kr. 450.000 kontumi pingaarnemi 67.02.06-imi immikkoortinneqartut saniatigut kr. 800.000 taakkua inissisimasut paasineqartussaasoq, eqqorpoq."

Aningaasat immikkoortinneqarsimasut qanoq atorneqarnissaat naatsorsuutigineqarneris pillugu itisiliinerusumik nassuiaanneqarnissamik ataatsimiititaliap qinnuteqaataanut Naalakkersuisut ima akissuteqarput:

"Aatsitassanut Suliffeqarmermillu Naalakkersuisoqarfimmi sulisussat sulisumik ataatsimik ilaneqassapput. Sulisup taassuma malinnaanermik suliaqarnissaq aammalu suliffeqarfinnit oqartussanillu uppemarsaatinik qulakkeerinnissaq pingaamertut akisussaaffigissavai. Aammattaaq sulisup taassuma suliffissanut nittartakkamik atassusiisartoq oqaloqatigisassavaa, kiisalu suliffeqarfiit aamma oqartussat tamatumunnga piumasaqaatinik naammassinninnissaat pillugu oqaloqatigisassallugit. Suli.gl ilinniartissanut sungiusarfissanullu quppermermik nutaarluinnarmik ilaneqassaaq. Digitalimik aqqiissutissami tassani ilinniartissat sungiusarfissallu ilinniartunngorsinnaasunut sungiusartussanullu tulluurtussarsiuunnissaannut periarfissanik pitsaanerulersitsinissamik qulakkeerissaaq. Tamanna ilaatigut ilinniartut sungiusartussallu suliffeqarfinnik

*oqartussanillu, suliassaqarfimmik immikkuullarissut iluanni ilinniartussarsiortunik sungiusartussarsiortunillu, ujaasisinnaalernerisigut pissaaq.”*

Ataatsimiititaliap akissut ima paasivaa, tassa suli.gl-imut 450.000 kr.-inik immikkoortitsisoqarnera kiisalu Aatsitassanut Suliffeqarnermullu Naalakkersuisoqarfimmut aningaasaliissutit 800.000 kr.-inik qaffanneqarnerat siunnersuutip aningaasaqarnikkut toqqaannartumik kingunerissagai. Ataatsimiititaliap paasinninnera malillugu kingunissat ilaat sanillersuussinermiinnerussapput, annerusumik suliffimmik sungiusartut ilinniartullu amerlinerannik pisinnaasumik tunngaveqartinneqartussat. 45,05 mio. kr.-it saniatigut ilinniarnermut tapiissutitut kiisalu ilinniaqatigiit amerlassusaat tunngavigalugu aningaasaliissutitut atuisoqassaaq, ingerlatsinermulli aningaasartuutit allat suut aningaasanit pineqartunit matussuserniarneqarnersut, aningaasallu qanoq agguataarneqarnissaat naatsorsuutigineqarnersooq ataatsimiititaliamit paasiuminaatsinneqarpoq.

## **2. Siunnersuutip aningaasatigut kingunerisassai itinerusumik nassuiaatigeqqullugit Naalakkersuisut ataatsimiititaliamit qinnuigineqarput.**

Maannakkut ilinniartuusut amerlassusaat pillugu paasissutissatigut tunngavissaq pillugu Nassuiaatini immikkoortoq “2.2. Pissutsit pingaaruteqartut siunnersuummi tunngaviusut” ataani ima allassimasooqarpoq:

*”Pisortat oqartussaasuini, pisortat suliffeqarfiutaanni Namminersortutik Oqartussanit pigineqartuni imaluunniit pisortat oqartussaasuinit allanit pigineqartuni kiisalu suliffeqarfinni namminersortuni lærlingit sungiusaammillu sulisut tulliuftutut agguataarsimasut nalilerneqarpoq. Kisitsisit pissarsiarineqarsinnaasut kingullerpaat takutippaat lærlingit sungiusaammillu sulisut 55 procentii suliffeqarfinni namminersortuniittut, 25 procentii pisortat suliffeqarfiutaanniillutik 20 procentiilu pisortat oqartussaasuiniillutik. Taamaasilluni nalilerneqarpoq december 2018-imi suliffeqarfinni namminersortuni 277-inik lærlingeqartoq sungiusaammillu sulisoqarluni, 173-it pisortat suliffeqarfiutaanniillutik kiisalu 232-t (138 + 94) pisortat oqartussaasuiniillutik.*

*Peqatigisaanillu 2018-imi inuussutissarsiutinut ilinniarfinni 1.085-it ilinniakkaminnik ingerlatsipput, unitsitsiinnartartut 50%-t missigalugit. Ilanngullugulu nalilerneqarpoq 2011-imi lærlingit sungiusaammillu sulisut suli amerlanerusut, taamanikkut inuussutissarsiutinut ilinniarfinni ilinniakkaminnik ingerlatsisut 1.302-ullutik amerlanersaammata...”*

- 3. Pisortani namminersortunilu lærlingit sungiusaammillu sulisut agguataarsimanerannut tunuliaqutaasooq nassuiaqqullugu Naalakkersuisut qinnuigineqarput.**
- 4. Lærlingit sungiusaammillu sulisut 2011-mi amerlanerusimanerannik naliliinermut tunuliaqutaasooq nassuiaqqullugu Naalakkersuisut qinnuigineqarput.**

Lærlingit sungiusaammillu sulisut amerlassusiat matuma siuliani issuakkani allassimasut (277, 173 aamma 232) katikkaanni lærlinginut inissat katillugit 682-iupput. Kisitsilli taanna suliaraqfintut agguataarlugu lærlingit katillugit amerlassusiannut (732), ukioq 2018-imut takussutissiaq 1-imi allassimasumut naapertuutinnigilaq. Takussutissiaq nassuiaatini qupperneq 7-imi allassimavoq.

## 5. Tamanna isummerfigeqqullugu Naalackersuisut qinnuigineqarput.

Oqartussat pillugit § 3-mi §4-milu nassuiaatit pillugit

Aalajangersakkat ima oqaasertalerneqarsimapput:

*”§ 3. Oqartussat Inatsisartut inatsisaat naapertorlugu tassaapput pisortaqrarfiit, pisortat ataatsimoortut, ingerlatsiviit allatulluunniit ataatsimoortut pisortat ingerlatsiviinut atasuusut, imaluunniit allatut pisortaasut imaluunniit pisortanit pigineqartut imaluunniit nakkutigineqartut, aammalu Kalaallit Nunaanni ingerlatanik suliaqartunik sulisoqartut.”*

*”§ 4. Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni angerlarsimaffeqartoq.”*

Tamanna tunngavigalugu ataatsimiititaliap Naalackersuisunut apeqqutigaa:

*”§ 3-mi “pisortanit pigineqartut imaluunniit nakkutigineqartut” qanoq paasineqassava, tamanna pisortat suliffiutaat inatsisip § 4-aani ilaatinneqareersut?”*

Apeqqut Naalackersuisunit ima akineqarpoq:

*”Assersuutigalugu Pisortani suliffeqarfiit namminersortut (SOV -it) aamma inatsimmi pineqartunut ilaanissaat, oqaasertaliinermi qulakkeemeqarpoq. SOV -it pisortani suliffeqarfinit aallaassutigaat, naalagaaffimmi ingerlatsivinni suliassaqarfiup aalajangersimasup iluani nammineq isertitaqarluni pigisaqartunilu nalilinnik pisinnaatitaalluni pisussaataitaallunilu inuussutissarsiortuuneq, aammalu aningaasaleeriaatsimi pineqartunut ilaasuunnginneq.*

*SOV-imut ilisamaataavoq suliffeqarfiunerup aamma pisortani oqartussaanerup akomanni akuleriisitsisarneq. tamatuma kingunerisaanik SOV namminersortunut pisortanullu inatsisit akomanni inissisimalluni.*

*Taamaalilluni SOV suliffeqarfimmut tunngatillugu amerlanertigut ingerlatseqatigiiffinnut inatsisini maleruagassani pineqartunut ilaasarpoq. kisianni peqatigisaanik oqartussat suliassarinnasaannut tunngatillugu pisortani maleruagassani pineqartunut ilaasarluni.*

*Assersuutigalugu pisortat suliffeqarfia namminersortoq tassaavoq, Aningaasaqarnikkut Patajaassuseqameq.”*

Naalackersuisut akissutaat ataatsimiititaliamit ima paasineqarpoq pisortani suliffeqarfiit namminersortut (SOV -it) suliffeqarfittut (§ 4 naapertorlugu) isigineqanngitsut, akerlianilli siunnersuummi § 3 naapertorlugu “oqartussaasutut” isigineqartut.

6. Ingerlatseqatigiiffiit suliffeqarfiilluunniit pisortanit pigineqartut allat suut inatsit malillugu oqartussaasutut isigineqarsinnaappat?
7. Suliffeqarfik pisortanit pigineqartoq inatsit naapertorlugu qanoq ilisukkut oqartussaasutut (§ 3 naapertorlugu) imaluunniit "suliffeqarfittut" (§ 4 naapertorlugu) isigineqassava?
8. Oqartussanut nassuiaatigineqartup § 3-mi allassimasup oqariartaatsip taassuma ingerlatsinermit maleruagassatigut paasineqartarneranit allaanera Naalackersuisunit qanoq isumaqarfigineqarpa?
9. Inatsisissatut siunnersuummut matumunnga tunngatillugu Aningaasaqarnikkut Patajaassuseqarneq qanoq attuumassuteqarpa?

Kommunini immikkoortortanik ingerlatsineq pillugu

Siunnersuutip tusarniaassutigineqarneranut atatillugu Kommune Kujallermit maluginiaqquneqarpoq, § 3-p oqaasertalerneqarnera kommunit aqunneqarnerat pillugu inatsimmi § 1 malillugu aggornilersuinermit naapertuutinnigitsaq. Suliassaqaqarfinnut ingerlatsiviit aamma atorfilittat qullersat ataanni oqartussaasuunngitsut, kommunimili suliassaqaqarfiit sularineqartarnerisa agguarneqarnerannut, ukiup missingersuusiorfiusup ingerlanerani allanngortinneqarsinnaasumut takussutissaannaasut kommunimit tikkuarneqarpoq.

Naalackersuisut siunnersuummut nassuiaatini tusarniaanermut akissut ima isummerfigaat:

*"Siunnersuummi § 3 aammalu tassunga nassuiaatit malillugit kommuni aammalu tassani ingerlatsivinni immikkoortortat aallaaviatigut immikkoortortatut arlalittut, taamaalillutillu siunnersuut malillugu oqartussatut assigiinngitsutut arlalittut, isigineqartussaapput. Kommunimi oqartussanut immikkoortortat, immikkoortutik ingerlatsivittut immikkoortortaaq, ilaatigut tassaasinnaapput kommunimi ingerlatsiviit. Assersuutigalugu tassaasinnaapput meeqqanut, ilaqutariinnut aamma meeqqat atuarmiinnut ingerlatsivik, sanaartormermut avatangiisinullu ingerlatsivik, atugarissaarnermut, suliffeqarnermut inuussutissarsiormermullu ingerlatsivik, aningaasaqarnermut sulisoqarnermullu sullissivik aamma ataatsimoorussanut sullissivik. Kommunimi ingerlatsivik imaluunniit oqartussanut immikkoortortaq alla sunaluunniit, immikkoortuni ingerlatsivittut immikkoortortaaq, taamaalilluni siunnersuummi § 3 malillugu oqartussaasuvoq. Ilinniartoq imaluunniit sungiusartussaag atorfinni sortermit atorfinitsinneqassanersoq, kommunip nammineerluni ilumini aalajangertussaavaa.*

Aalajangersakkanut ataasiakkaanut nassuiaatini § 3 pillugu ima allassimasoqarpoq:

*"Siunnersuummi taaneqartutut aamma kommunit pineqartunut ilaatinneqarput. Kommuni taassumalu ingerlatsinermit immikkoortortaaq, siunnersuut malillugu aallaaviatigut immikkoortortatut arlalittut, taamaalillunilu § 3-imi aalajangersagaq malillugu oqartussatut assigiinngitsutut arlalittut, isigineqassapput. Kommunimi oqartussat immikkoortortaaq, immikkoortutik ingerlatsivimmi immikkoortortaaq, ilaatigut kommunip ingerlatsiviannut ilaasimasinnaapput. Taakkua assersuutigalugu tassaasinnaapput meeqqanut,*

*ilaqutariinnut aamma meeqqat atuariinut ingerlatsivik, sanaartornermut avatangiisinullu ingerlatsivik, atugarissaarnermut, suliffeqarnermut inuussutissarsiomerullu ingerlatsivik, aningaasaqarnermut sulisoqarnermullu sullissivik aamma ataatsimoorussanut sullissivik. Kommunimi ingerlatsivik imaluunniit oqartussani immikkoortorta q sunaluunniit, immikkoortuni ingerlatsivittut immikkoortortaasoq, taamaalilluni siunnersuummi § 3 malillugu oqartussaavoq. Ilinniarteq imaluunniit sungiusartussa q atorfimmi sorlermi atorfinitsinneqassanersoq, kommunip nammineerluni aalajangissavaa.”*

Tamanna tunngavigalugu ataatsimiititaliaq ima apeqquteqarpoq:

*”Nassuiaammi ”Ilinniarteq imaluunniit sungiusartussa q atorfimmi sorlermi atorfinitsinneqassanersoq kommunip nammineerluni aalajangissavaa” qanoq paasineqassava, tassungami atatillugu oqartussaasup ingerlatsiviunera tunngaviutinneqarmat, ingerlatsiviillu ataasiakkaat ilinniarfissatut/suliffimmik misiliffissatut § 8 malillugu akuerineqartussaasut?*

Naalackersuisut apeqqummut ima akissuteqarput:

*”Tassani iluminni agguariaaseq pineqarpoq, taassuma iluani kommunip nammineertuuneranut ilaatillugu kommunimi oqartussami sorlermi ilinniartumik atorfinitsitsisoqassanersoq, kommuni aalangiisinnaalluni”*

**10. Pisortat oqartussaasut qanoq paasineqarnissaannik siunnersuutigineqartup kommunit aqunneqarnerat pillugu inatsit malillugu ingerlatsivittut immikkoortortanut akerliunera isummerfigeqqullugu Naalackersuisut qinnuigineqarput.**

”Kalaallit Nunaanni angerlarsimaffeqartuuneq” pillugu

Inatsisissatut siunnersuummi § 4 ima oqaasertalerneqarsimavoq:

*”§ 4 Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni angerlarsimaffeqartoq.”*

Inatsisissatut siunnersuummi § 4 pillugu nassuiaatini ima allassimasoqarpoq:

*”Siunnersuut malillugu namminersortut suliffeqarfianni ilaatinneqarput suliffeqarfiit namminersortut matuma siuliani allassimasut suulluunniit, taanna kalaallinit, danskinit, nunanit allamiunit imaluunniit nunani tamalaaneersunit pigineqarnerasoq apeqqutaanani, suliffeqarfik Kalaallit Nunaanni suliffeqarfimmik ingerlatsippat imaluunniit ingerlatanik suliaqarpat naammalluni. Suliaqartuusut namminersortut nunanit allaneersut qanorluunniit iluseqartut, Kalaallit Nunaanni suliffeqarfimmik ingerlatsisut imaluunniit ingerlatanik suliaqartut, taamaalillutik siunnersuummi pineqartunut ilaatinneqarput. Namminersortut*

*suliffeqarfiit nunanit allaneersunit immikkoortotaqarfiit, Kalaallit Nunaanni suliffeqarfimmik ingerlatsisut imaluunniit ingerlatanik suliaqartut aamma siunnersuummi pineqartunut ilaatinneqarput."*

*"Suliffeqarfiit taaguutaannut ilaatinneqarput assersuutigalugu aamma namminersortut suliffeqarfii nunanit allaneersut, Kalaallit Nunaanni pisortani oqartussanut imaluunniit Kalaallit Nunaanni pisortat suliffeqarfiinut siunnersuinernik sullissisartut aammalu Kalaallit Nunaanni pisortani oqartussanut imaluunniit Kalaallit Nunaanni pisortat suliffeqarfiinut siunnersuinernik sullissinerit pillugit isumaqatigiissutit neqeroortitsivigineqameranni peqataasartut. Namminersortut suliffeqarfii nunanit allaneersut CVR-inut nalunaarsuiffimmi nalunaarsorneqarsinnaanngillat"*

Ataatsimiititaliaq nassuiaatit tunngavigalugit Naalakkersuisunut ima apeqquteqarpoq:

*"Qanoq nassuiaatini immikkoortut issuameqartut inatsisip oqaasertaanut "Kalaallit Nunaanni angerlarsimaffeqartoq"-mut attuumassuteqarpat"? § 4 ima oqaasertalemeqaraluarpat: "Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni tamakkiisumik ilaannakortumilluunniit akileraartussaataaasoq" qanoq kinguneqassagaluarpa?"*

Naalakkersuisut tamatumunnga ima akissuteqarput:

*"Immikkoortoq issuameqartoq oqaatsimi "Kalaallit Nunaanni angerlarsimaffeqartoq" aamma suut ilaatinneqarnersut assersuutissaavoq.*

*Siunnersuutigineqartut § 4-ip allangortinneqamerani sunniutaasussanik nalilersuinissamat, erseqqinnerusumik misissuinissaq pisariaqarpoq. Suliffeqarfiit il.il. akileraarusemeqartarnerat suliassaqarfiuvoq pisariusoq aammalu annertoq. Taamaattoq maannakkut naliliisoqarpoq tamanna ilinniartunik sungiusartussanillu atorfinitsitsisamernik, inatsimmik matumunnga siunertaasumik, annertusititsinavianngitsoq, tassami suliffeqarfiit il.il. amerlanerulemaviarunannimmata."*

Suliffeqarfik Kalaallit Nunaanni angerlarsimaffeqaruni aatsaat inatsisissatut siunnersuummut ilaatinneqarpoq. Tamanna § 4-mi erseqqilluinnartumik allassimavoq. Angerlarsimaffeqarnerulli nalinginnaasumik paasineqartarneranut, matumani aamma akileraartarnermut tunngatillugu inatsimmut nassuiaatit tamakkiisumik naapertuuttunganngillat. Taamaalilluni taaguutip nalinginnaasumik paasineqartarnera, matumani aamma akileraartarnermut tunngatillugu, naapertorlugu suliffeqarfiup aqutsisoqarnikkut ingerlatsivigisaata angerlarsimaffiunissaa tunngaviutinneqartariaqarpoq.



**11. "Kalaallit Nunaanni angerlarsimaffeqartuuneq"-rup qanoq paasineqarnissaanik siunnersuutigineqartup oqariartaatsip taassuma akileraartarnikkut paasineqartarneranut akerliunera naapertuunnersoq isummerfigeqqullugu Naalakkersuisut qinnuigineqarput.**

Ajornartorsiutit siuliani taaneqartut saniatigut ataatsimiititaliap oqaatigissallugu tunngavissaqartippaa "oqartussap" kiisalu "suliffeqarfiup" nassuiaatigineqarnerisa pisariaqassusia ataatsimiititaliamit paasiuminaatsinneqarmat, tassami oqartussanik suliffeqarfinnullu assigiinngitsunik pisussaaffiliinissaq pineqanngimmat. Tamanna tunngavigalugu isumaliutigineqarsinnaavoq §§ 3 aamma 4-mi oqaasertaliussat peerneqarsinnaanersut paragrafimillu assersuutigalugu ima oqaasertalerneqartumik taarserneqarlutik:

*"Sulisitsisutut paasineqassaaq sulisitsisoq kinaluunniit Kalaallit Nunaanni sulianik ingerlataqartunik sulisulik".*

**12. Oqasertassatut nutaatut siunnersuutigineqartoq taanna isummerfigeqqullugu Naalakkersuisut qinnuigineqarput.**

Inussiamersumik inuulluaqqusillunga



Justus Hansen

Inuussutissarsiornermut Aatsitassanullu Ataatsimiititaliami Siulittaasoq



Allakkiaq  
Notat

Ilanngussaq  
Bilag 2

Uunga Inatsisartut Allattoqarfiat  
Til

15-11-2019  
Suliap nr. 2016-6885

Assinga uunga  
Kopi til

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: asn@nanoq.gl  
www.naalakkersuisut.gl

**UKA2019/25: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq pillugu apeqqutinut akissuteqaat**

*1. Ilinniartut/suliffimmi misiliisut amerlassusiat uuttuutigalugu siunnersuutip sunniutissai eqqarsaatigalugit suut Naalakkersuisunit naalakkersuinikkut anguniagaappat??*

*Akissut:*

Inuussutissarsiutinut ilinniarfiit iluanni ilinniarfissat sungiusarfissallu 2018-imi katillugit 930-inik amerlinissaat, Naalakkersuisut 2017-mut Ilinniartitaanermut pilersaarut II-mi siunnerfigaat. Tamanna iluatsinngilaq, taamaallunilu anguniakkat aamma pissusiviusuni pisut imminnut naapertuutinngitsut, 2018-mut kisitsisini paasinarsinneqarpoq, tassami 2018-imi ilinniarfissat 732-nik taamaallaat amerlassuseqarsimmamata. 2018-imut Ilinniartitaanermut pilersaarut II-mi allassimavoq, 2020-mut ilinniarfissat sungiusarfissallu 960-it aammalu 2024-imi ilinniarfissat sungiusarfissallu 1.011-it siunnerfigineqartut. Tamanna Naalakkersuisut suli politikkikkut anguniagaraat.

Ilinniartunik sungiusartussanillu atorfinitsitsinermikkut suliffeqarfiit oqartussaasullu inuiaqatigiinni akisussaaffeqarnissaat pillugu siunnersuut, ilinniarfissat sungiusarfissallu amerlassusaanni uuttorlugu, taannaanaq isigineqarsinnaanngitsoq, tassunga atatillugu erseqqissassallugu pingaaruteqarpoq. Apeqqutinut akisassanut immersugassaq atorlugu misissuineri atuarneqarsinnaasutut (takuuk nassuiaatini qupperneq 9ff) ilinniarfissanik sungiusarfissanillu amigaaqarneq, inuussutissarsiutinut ilinniarfinni ilinniartunik amerlanerusunik tiguisinnaanissamut tunngatillugu, tunngavissatut pingaaruteqarpoq. Kisiannili taanna kisimi kingaalaqusersuinngilaq, taamaattumillu killiliisunut pissutaasunut allanut ataqatigiissillugit isigineqassallutik, soorlu ilinniartut inaanni inissaaleqineq, atuarfinni inissaaleqineq

aammalu ilinniartitaanernut ilinniartitsisussanik atorfinitsitsiniartarnermi unammilligassat.

2. *Ilinniartit ilinniartunik tiguseqqissinnaannginnerannut tamanna pingaarnertut tunngaviusoq allassimammatt, inatsisissatut siunnersuutip piviusunngortinneqarnissaanut qanoq ilinniartut inissaannik amigaateqarneq sunniuteqarpa?*

*Akissut:*

Suliffeqarfiit aamma pisortani oqartussat ilinniartunik sungiusartussanillu atorfinitsitsillutik inuiaqatigiinni akisussaaffeqarnerat pillugu Inatsisartut inatsisissaannut siunnersuutip suliarineqarneranut atatillugu naalakkersuisoqarfiit pingasut (ASN, AN & IKIN) ataatsimoorlutik apeqqutinut akisassanut immersugassamik suliaqarput, akisassanngorlugu nunatsinni inuussutissarsiutinut ilinniartinnut 7-nut nassiunneqartumik. Tamanna pivoq, ilaatigut ilinniartut inaannik amigaateqarneq siunnersuutip pingaarnertut siunertaanik piviusunngortitsinissamut qanoq annertutigisumik sunniuteqarnerasoq paasiniarlugu. Apeqqutinut akisassanut immersugassami siunertaavoq, ullumikkut kingaalaqusersuisut suut, inuussutissarsiutinut ilinniartinni inuusuttunik amerlanerusunik tigusinissamut pissusiviusuni aporfiusarnerisut paasinarsisitsinissaq.

Nikerarfiusumik ilinniartitaanerni 58-ini unammilligassaqartoq, inuussutissarsiutinut ilinniartit akissuteqarput. Taakkua akissutaasa takutippaat ajornartorsiut annertoorejussuusoq, tassami siusinnerusukkut taaneqartutut ataasiinnarmik suliniuteqarnermi tamanna iluarsiivigineqarsinnaanngimmat, kisianni suliniutit imminnut ataqatigiissut arlallit pisariaqarlutik. Taamaattoq oqaatigineqarsinnaavoq, pingaartumik ilinniartut inaannik amigaateqarneq, siunnersuutip siunertaanut pingaarnermut annertuumik sunniuteqartoq. Taamaallutik inuussutissarsiutinut ilinniartit nikerarfiusumik ilinniartitaanernut ataasiakkaanut tamaginnut, ilinniartunik amerlanerusunik tigusinissamut tunngatillugu killiliisunut pissutaasut annersaat suunersut, nalilersuipput. Apeqqutinut akisassanut immersugassami akissuteqaatit aallaavigalugit atuarneqarsinnaavoq, inuussutissarsiutinut ilinniartinni ilinniartunik amerlanerusunik tigusinnaanissamut, ilinniartut inaanni inissaqartitsineq, killiliisunut pissutaasut annersarigaat (ilinniartitaanerit 50-it).

2019-imut ilinniartut inaannut suliaqarfimmu pilersaarummi iliuusissanut pilersaaruteqarmat, ajornartorsiummik taassuminnga iluarsisussamik, aammalu ilinniartut inaannik, sanaartornissamut ukiuni tullerni aallartinneqartussatut kissaatigineqartumut, suliniutinik imaqartumik, ajornartorsiummut matuma siuliani taaneqartumut tunngatillugu oqaatigissallugu pingaaruteqarpoq. Meeqqat atuarianni naammassereernerup kingorna amerlanerit ilinniartitaanermut ingerlaqqittarnissaat kiisalu ilinniartinni tiguneqartartut amerlanerulersinnerisigut ilinniartitaanerup qaffassarneqarnissaa pillugit Naalakkersuisut takorluugaat siunnerfiilu, suliniutissani taparserneqarput.

3. *Inuusuttut meeqqat atuarfiannit naammassinermi kingorna ilinniartitaanermi ingerlaqqinneq ajortut suliffeqarnermilu akuunngitsut pillugit suliaqarnerminni Naalakkersuisut sumut killippat??*

*Akissut:*

Nunatsinni inuusuttorpasuit meeqqat atuarfianni naammassereerermik kingorna ilinnialertanngillat. Taamaalilluni meeqqat atuarfiannit anereersut 40 procentiisa missaannai, meeqqat atuarfianni naammassereererminni inuusuttut ilinniartitaaneranni aallartittarput. Taamaattoq inuusuttut ilinniartitaaneranni aallartittut 50 procentii taamaateqqittarput. Taamaalillutik nunatsinni inuusuttorpasuit, meeqqat atuarfiannit anereerermik kingorna ilinnialersimannginnertik pissutigalugu, ajornartorsiorlutik inissimalersinnaapput. Tamatuma saniatigut inuusuttut 29-it inorlugit ukiullit suliffissaaleqisunut naatsorsueqqissaarnermi amerlanerujussuusut, ilisimaneqarpoq. Inuusuttut amerlanerusut ilinnialerlutik suliffeqalerlutillu ingerlaqqinnissaannut Majoriami siunnerfigineqartunut atuagarsorani ingerlataqarnissamut, suliffinni sungiusarnissamut neqeroorutit aammalu ilinniartunut atuagarsornermi sanngiitsunut sammisunik neqerooruteqarnerit, annertusarneqarput. Inuusuttut inooqataanermi inuttullu ajornartorsiuteqaraluartut, immikkut ingerlanneqartuni taakkunani naammassinnittartut procentinngorlugu amerlapput. Inuusuttut 2017-imi sannavimmi ingerlataqarnermi imaluunniit suliffimmi sungiusarnermi peqataasut 60 procentii naammassinnipput. Sinneri 40 procentit ikerinnakkut taamaatipput, ilaatigut inuusuttunut inooqataanermi ajornartorsiuteqartunut isumaginninnermi perorsaanikkut suliniutinik amigaaqarneq pissutaalluni. Isumaginninnermi perorsaanikkut suliniuteqarnerit Majoriamiinngillat, taamaattumillu taakkua allaniit neqeroorfigineqartussaallutik. Inuusuttut naammassisut 30 procentii, tamatuma kingorna suliffeqanngillat. Naammassereerermik kingorna ilinniartut sulerisarnersut, paasissutissaqanngilaq. Taamaattoq inuusuttut amerlanersaat ilinniarnermi aallartinnissamik imaluunniit suliffeqalernissamik tungaanut sannavimmi ingerlatani assigiinngitsuni ingerlaqqittarput.

Naalakkersuisut suliffissaqartitsiniarnermi periusissiaanni pisussami inuusuttut taakkua immikkut sammineqassapput. Kommunit suliniuteqarnermik inuusuttunut neqerooruteqarnissamut pisussaaffilerneqassapput, taamaalillutik inuusuttut 30-it inorlugit ukiullit tamarmik ilinnialissallutik, sulilissallutik imaluunniit piginnaanngorsarlutik ingerlataqalissallutik. Kommunit anguniakkanik Majoriami angusassanut isumaqatigiissutini allassimasunik naammassinnittarnerup pitsaanerulersinneratigut sunniuteqarluarnerulersinneratigullu, tamanna pissaaq. Tamatuma saniatigut atuagarsorfiunngitsumik tunisassiornermut ilinniarninnik, inuusutissarsiutinut ilinniarninnut piukkunnassuseqarluni uppernarsaammik pissarsiviusussamik, pilersitsinissamut periarfissat misissorneqassapput.

4. *Ilinniartut suliffissanut nittartakkakut ilinniarfissaminnik/suliffimmik misiliiiffissaminnik qinnueqartussaataitaanerisa malinneqarnissaa qanoq Naalakkersuisunit qulakkeerniarneqarpa? Pisussaaffik taanna malinninnginnermut kinguneqartitsinerusinnaasumik nassataqassava?*

*Akissut:*

Suliffeqarfiit aamma pisortani oqartussat ilinniartunik sungiusartussanillu atorfinitsitsillutik inuiaqatigiinni akisussaaffeqarnerat pillugu siunnersuummi suliffeqarfiit aamma oqartussat ilinniartunik sungiusartussanillu atorfinitsitsillutik inuiaqatigiinni akisussaaffeqarnerat pingaartumik sammineqarpoq. Taamaalilluni ilinniartut ilinniarfissanik sungiusarfissanillu qinnuteqarnissaannik qulakkeerinnissaq, Naalakkersuisut pingaarnertigut akisussaaffingngilaa. Ilinniartut inuussutissarsiutinut ilinniarfinni ilinniartitaanernut pineqartunut qinnuteqaatinut suleriaatsit atorlugit ilinniarfissamik sungiusarfissamillu qinnuteqarnissamut pisussaaffeqareermata, taamaattoq oqaatigineqassaaq. Saniatigut Naalakkersuisut suliniuteqarput kommuunini ilinniarfinilu ilitersuisarnerup nukittorsarneqarnissaanut tassungalu atatillugu atuartussanut lærlingissanullu, ilitersuisarneq ilinniartitaanermut suliffeqartitsiniarnermullu politikiumut sakkutut pingaarutilittut isigineqarmat.

Naalakkersuisut suliffissanut nittartakkami qupperneq nutaaq lærlinginut praktikkerfissanullu tunngasoq saqqummerpat paasititsiniaanissamut pilersaaruteqarput. Paasititsiniaanerup saaffissarivai atuartussanngortussat lærlinginngortussallu aamma suliffeqarfiit. Nittartakkami atuartussanngortussat lærlinginngortussallu CV-tik ikkussinnaassavaat, suliffeqarfinit nassaarineqarsinnaanngorniassagamik.

5. *Qanoq sulliffeqarfiit ilinniartut suliffimmillu misiliisut isumaginninnikkut ajornartorsiutinik, atonerluinikkut allatulluunniit inuttut sulisinnaanikkulluunniit ajornartorsiutinik tunngaveqarlutik sulisinnaanngitsut iliuuseqarfisgissavaat?*

*Akissut:*

Ilinniartut sungiusartullu inooqataanermi ajornartorsiuteqarneq, atonerluinermik ajornartorsiuteqarneq imaluunniit allanik inuttut ilinniarsimasassatigullu ajornartorsiuteqartut, taamaattumillu Majoriap neqeroorutigisinnaasaasa avataaniittunik katsorarneqarnissamik pisariaqartitsisut, Majoriamit kommunimi isumaginninnermut oqartussanut innersuunneqartussaapput, tamatuma kingorna inunnut taakkununga sapinngisamik pitsaanerpaamik suliniuteqarnissaq pillugu isumaginninnermut oqartussat suleqatigineqarnerat aallartissinnaalissalluni. Taamaalillutik suliffeqarfiit inuussutissarsiutinut ilinniarfiit aamma qanimut oqaloqatigisariaqarpaat.

6. *Qulaani allassimasoq ima paasineqassava, 800.000-it taakku 45,05 mio.-it konto pingarneq 20.11.70-imut immikkoortinneqartut kiisalu 450.000-it konto pingarneq 67.02.06-imut immikkoortinneqartut saniatigut immikkoortitaasut?*

*Akissut:*

Kr. 45,05 mio. kontumi pingarnermi 20.11.70-imi immikkoortinneqartut, kiisalu kr. 450.000 kontumi pingarnermi 67.02.06-imi immikkoortinneqartut saniatigut kr. 800.000 taakkua inissisimasut paasineqartussaasoq, eqqorpoq.

7. *Aningaasat immikkoortinneqarsimasut qanoq atorneqarnissaat naatsorsuutigineqarneris pillugu itisiliivigininnerulluni nassuiaasoqarnissaa ataatsimiittitaliap qinnutigissavaa.*

*Akissut:*

Aatsitassanut Suliffeqarnermullu Naalakkersuisoqarfimmi sulisussat sulisumik ataatsimik ilaneqassapput. Sulisup taassuma malinnaanermik suliaqarnissaq aammalu suliffeqarfinit oqartussanillu uppersaatinik qulakkeerinissaq, pingaarnertut akisussaaffigissavai. Aammattaaq sulisup taassuma suliffissanut nittartakkamik atassusiisartoq oqaloqatigissavaa, kiisalu suliffeqarfiit aamma oqartussat tamatumunnga piumasaqaatinik naammassinninnissaat pillugu oqaloqatigissallugit. Suli.gl ilinniarfissanut sungiusarfissanullu quppernermik nutaarluinnarmik ilaneqassaaq. Digitalimik aaqiissutissami tassani ilinniarfissat sungiusarfissallu ilinniartunngorsinnaasunut sungiusartussanullu tulluartsarsiuunnissaannut periarfissanik pitsaanerulersitsinissamik qulakkeerissaaq. Tamanna ilaatigut ilinniartut sungiusartussallu suliffeqarfinit oqartussanillu, suliaqarfimmi immikkuullarissut iluanni ilinniartsarsioritunik sungiusartussarsioritunillu, ujaasisinnaalernerisigut pissaaq.

8. *Nassuiaatini paasisutissiissutigineqarneratut kisitsisinut gulaani taaneqartunut tunngatillugu naleqqussaasoqarnissaanik pisariaqartitsisoqarpa?*

*Akissut:*

Siusinnerusukkut kisitsisinut, siunnersuummut nassuiaatini saqqummiunneqartunut, tunngatillugu iluarsinissaq pisariaqartinneqanngilaq.

9. *Kaajallaasitakkut qitiusumik allaffeqarfiup ilinniartunik suliffinnillu misiliisunik amerlisitsinissamik pissaaffilerneqarneratigut siunnersuutit ilinniarfiit amerlisinneqarnissaanik siunertaanik piviusunngortitsinikkut aningaasaqarnikkut allaffissornikkullu kingunissat ilanngullugit pisortanut kingunissat suussappat?*

*Akissut:*

Maannakkorpiaq tamatumunnga misissuisoqarsimanngilaq, kisianni oqaatigineqarsinnaavoq Qitiusumi allaffeqarfimmi ilinniartut il.il. amerlanerulersinnissaat, Qitiusumi allaffeqarfimmi sammeneqareersoq. Kalaallit Nunaanni sulliviit annersaasa ilaattut, ilinniartitaanerup qaffassarnissaanut inuiaqatigiinni akisussaaffeqarneq, Qitiusumi allaffeqarfimmi ilisimaarineqareerpoq aammalu ilaatigut atuarfiit, aqutissiuussisarfiit aamma Majoriaq suleqatigalugit Qitiusumi allaffeqarfik ilinniartunik atorfinitsitsisalereerluni ilinniartitseqqittalereerlunilu. Aammattaaq una innersuussutigineqarpoq <https://nanuaraq.naalakkersuisut.gl/da/Medarbejder/Ellever>

10. § 3-mi "pisortanit pigineqartut imaluunniit nakkutigineqartut" qanoq paasineqassava, tamanna pisortat suliffiutaat inatsisip § 4-aani ilaatinneqareersut?

*Akissut:*

Assersuutigalugu Pisortani suliffeqarfiit namminersortut (SOV-it) aamma inatsimmi pineqartunut ilaanissaat, oqaasertaliinermi qulakkeerneqarpoq. SOV-it pisortani suliffeqarfinit aallaassutigaat, naalagaaffimmi ingerlatsivinni suliassaqarfiup aalajangersimasup iluani nammineq isertitaqarluni pigisaqarlunilu nalilinnik pisinnaatitaalluni pisussaataitaallunilu inuussutissarsiortuuneq, aammalu aningaasaleeriaatsimi pineqartunut ilaasuunnginneq.

SOV-imut ilisarnaataavoq suliffeqarfiunerup aamma pisortani oqartussaanerup akornanni akuleriisitsisarneq, tamatuma kingunerisaanik SOV namminersortunut pisortanullu inatsisit akornanni inissisimalluni.

Taamaalilluni SOV suliffeqarfimmut tunngatillugu amerlanertigut ingerlatseqatigiiffinnut inatsisini maleruagassani pineqartunut ilaasarpoq, kisianni peqatigisaanik oqartussat suliassarisinnaasaannut tunngatillugu pisortani maleruagassani pineqartunut ilaasarluni.

Assersuutigalugu pisortat suliffeqarfiat namminersortoq tassaavoq, Aningaasaqarnikkut Patajaassuseqarneq.

*11. Nassuiaammi "Ilinniartog imaluunniit sungiusartussaag atorfimmi sorlermi atorfinitsinneqassanersoq kommunip nammineerluni aalajangissavaa" qanoq paasineqassava, tassungami atatillugu oqartussaasup ingerlatsiviunera tunngaviutinneqarmat, ingerlatsiviillu ataasiakkaat ilinniarfissatut/suliffimmik misiliiffissatut § 8 malillugu akuerineqartussaasut?*

*Akissut:*

Tassani iluminni agguariaaseq pineqarpoq, taassuma iluani kommunip nammineertuuneranut ilaatillugu kommunimi oqartussami sorlermi ilinniartumik atorfinitsitsisoqassanersoq, kommuni aalajangiisinnaalluni.

*12. Qanoq nassuiaatini immikkoortut issuarneqartut inatsisip oqaasertaanut "Kalaallit Nunaanni angerlarsimaffeqartog"-mut attuumassuteqarpat?*

*13. § 4 ima oqaasertalerneqaraluarpat: "Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni tamakkiisumik ilaannakortumilluunniit akileraartussaataitaasoq" qanoq kinguneqassagaluarpa?*

*Apeqqummut 12-imut aamma 13-imut akissut:*

Immikkoortog issuarneqartog oqaatsimi "Kalaallit Nunaanni angerlarsimaffeqartog" aamma suut ilaatinneqarnerut, assersuutissaavoq.

Siunnersuutigineqartut § 4-ip allanngortinneqarnerani sunniutaasussanik nalilersuinissamat, erseqqinnerusumik misissuinissaq pisariaqarpoq. Suliffeqarfiit il.il. akileraaruserneqartarnerat suliassaqarfiuvoq pisariusoq aammalu annertoq. Taamaattoq maannakkut naliliisoqarpoq tamanna ilinniartunik sungiusartussanillu

atorfinititsisarnermik, inatsimmi matumani siunertaasumik,  
annertusititsinavianngitsoq, tassami suliffeqarfiit il.il.  
amerlanerulernaviarunangimmata.

*14. § 5, imm. 2 killiliisutut paasineqassava, taamaalilluni taamaallaat inuussutissarsiutinut ilinniartitaanerni, ISCED 2011-ip 3-4 nalinganik ilinniakkamik naammassisaqarsimasunut atuulluni, imaluunniit aalajangersagaq suleqataasunut inuussutissarsiutinut ilinniartitaanerni, ISCED 2011-ip 3-4 nalinganik ilinniakkamik qaffasinnerusumilluunniit naammassisaqarsimasunut atuuttutut paasinneqassava?*

*Akissut:*

§ 5, imm. 2 annikillitsisutut paasineqassaaq, taamaalilluni tassani sulisut ISCED 2011-imi niveau 3-imi aamma 4-imi inuussutissarsiutinut ilinniarnermik naammassinnissimasut, pineqartunut ilaallutik.

*15. Najugaqavissuunngitsut qassit piffissami 2014-imiit 2019-ip tungaanut Kalaallit Nunaanni ilinniartutut/suliffimmik misiliisutut atorfinitinneqarsimappat?*

*Akissut:*

Aalajangersimasumik najugaqartuunngitsut qassit piffissami 2014-2019-imi Kalaallit Nunaanni ilinniartutut/sungiusartut atorfinitinneqarsimanersut, Naatsorsueqqissaartarfimmi allassimanngilaq. Taamaalilluni apeqqut taanna akineqarsinnaanngilaq.

*16. Naalakkersuisut isumaqarpat tamanna tunngavigalugu inerniliunneqarsinnaasoq najugaqavissuunngitsut ilinniarfissanik/suliffimmik misiliiffissanik najugaqavissunut inangiisartut?*

*Akissut:*

Ilinniartut/sungiusartut aalajangersimasumik najugaqartuunngitsut, tassunga atatillugu aalajangersimasumik najugaqartunut inangiisut oqartoqarsinnaanngitsoq, Naalakkersuisut isumaqarput.

*17. Oqaasertaliussani oqaaseq "ingerlataqartussaq" atorneqarpoq. Aalajangersagaq ima paasineqassava, tassa inatsit taamaallaat pisuni ilinniartutut/suliffimmik misiliisutut sulineq ilinniarnernup ilaatut pisussaaffiumik sulianut atuuttoq, imaluunniit aamma pisumut ilinniartutut/suliffimmik misiliisutut sulineq ilinniartup nammineq kissaataa tunngavigalugu sulianut atuuppa?*

*Akissut:*

Inatsisissatut siunnersuut, sungiusarnissaq ilinniartitaanermut ilaalluni, inuussutissarsiutinut ilinniartitaanernut, naatsorsuussaavoq.

*18. Suliffeqarfiit "smileyqarnermik aaqqissuussinermi" ajortumik nalilernerqarnissaq pinngitsoorniarlugu pissutsit piviusut malillugit piginnaasaqarnertik sinnerlugu ilinniartunik/suliffimmik misiliisunik tigusinissaminnut tatineqartutut misigisimanerisigut ilinniarfiit/suliffimmik*



*misiliiffiit pitsaassutsikkut appariarsinnaanerat isummerfigeqqullugu Naalackersuisut qinnuigineqarput.*

*Akissut:*

Ilinniartunut sungiusartussanullu qassinut ilinniarfimmit attuumassuteqartumit akuerisaanerlutik, oqartussat suliffeqarfiillu nalunaarsuissasut, siunnersuummi siunnerfigineqarpoq. Nalunaarsuisarneq ilinniarfissanik sungiusarfissanillu pissaqarnerup ujartuinnermut tulluarsarnissaanut periarfissaqarnerulernissamut iluaqutaassaaq, taamaalillunilu siunnersuummi siunertaasumut tamarmut tapersiissalluni. Oqartussaq imaluunniit suliffeqarfik ilinniarsimasunik sulisussarsiniartarnermi unammilligassaqarpat, tamanna unammilligassaq nalinginnaasuusimassaaq. Taamaalilluni ilinniarsimasunik sulisussarsinnaannginnermut atatillugu oqartussap imaluunniit suliffeqarfiup ingerlanerani allanngortoqarnera tassani pineqanngilaq, taamaattumik taakkua ilinniartissinnaasaminnit amerlanerusunut akuerineqartussaanaatik. Oqartussap imaluunniit suliffeqarfiup nalinginnaasumik ingerlanerani allanngortoqarsimappat, taamaalillunilu ilinniartoqarnissamut sungiusartoqarnissamullu inissaqartitsillutik, oqartussap imaluunniit suliffeqarfiup ilinniartoqarnissamut sungiusartoqarnissamullu akuerineqarsimanermik nalilersoqqinneqarnissaa siunertaralugu, ilinniarfiit attuumassuteqartut attaveqarfigisussaavaat, takuuk § 8 imm. 2-imi aalajangersagaq. Taamatut pisoqartillugu oqartussap imaluunniit suliffeqarfiup smiley-nut aaqqissuussinermi ajornerusumik smiley-lerneqarnissaa pineqanngillat, tassami siunnersuummi aalajangersakkat malinneqarput. Oqartussat aamma suliffeqarfiit nalunaarsuinissaq aammalu ilinniarfissatut sungiusarfissatullu akuerineqarnissaa akisussaaffigimmassuk, ilinniarfiit ilinniartunik aamma sungiusartussanik amerlavallaanik imaluunniit ikippallaanik kukkusumik nalunaarsuisannginnissaat qulakkeerneqarpoq.

Smiley-nut aaqqissuussinermi pisussami taamaallaat oqartussat suliffeqarfiillu siunnersuummi aalajangersakkanik ataasiakkaanik naammassinninnerat aallaavigineqassaaq, aammalu taakkua nalinginnaasumik ilinniartunik sungiusartussanillu atorfinitsitsinnermut peqataanerat aallaavigineqassanani. Taamaalilluni siunertaavoq oqartussat aamma suliffeqarfiit § 8 naapertorlugu ilinniarfissatut sungiusarfissatullu akuerineqarsimasut, § 9 naapertorlugu aalajangersimasumik najugaqartunik ilinniartunik atorfinitsitsisimasut, § 10 naapertorlugu ilinniartunut sungiusartussanullu qassinut akuerineqarsimanerminnik Naalackersuisut suliffissanut nittartagaanni nalunaarsuisimasut, pisariaqarpallu § 12 naapertorlugu Naalackersuisut suliffissanut nittartagaanni atorfik tamanut ammasumik allagarsiissutigisimagaluarlugu, § 11 naapertorlugu sooq akuerineqarsimasunik atorfinitsitsisinnaasimannginnerminnik nassuiaasimasut, pitsaasumik smiley-lerneqartarnissaat.

Inussiarnersumik Inuulluaqqusillunga

Erik Jensen



Aatsitassanut Suliffeqarnermullu  
Naalakkersuisoq  
[asn@nanaoq.gl](mailto:asn@nanaoq.gl)

Ullaq: 12-11-2019

J.nr.: 01.36.02.03-00227

**UKA2019/25: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq pillugu apeqqufit.**

Siunnersuummik siullermeerinnineq tunngavigalugu apeqqufit:

1. Ilinniartut/suliffimmi misiliisut amerlassusiat uuttuutigalugu siunnersuutip sunniutissai eqqarsaatigalugit suut Naalakkersuisunit naalakkersuinikkut anguniagaappat?
2. Ilinniarfiit ilinniartunik tiguseqqissinnaannginnerannut tamanna pingaarnertut tunngavisoq allassimammat, inatsisissatut siunnersuutip piviusunngortinneqarnissaanut qanoq ilinniartut inissaannik amigaateqarneq sunniuteqarpa?
3. Inuusuttut meeqqat atuarfiannit naammassinnermi kingorna ilinniartitaanermi ingerlaqqinneq ajortut suliffeqarnermilu akuunngitsut pillugit suliaqarnerminni Naalakkersuisut sumut killippat?
4. Ilinniartut suliffissanut nittartakkakkut ilinniarfissaminnik/suliffimmik misiliiffissaminnik qinnueqartussaataitanerisa malinneqarnissaa qanoq Naalakkersuisunit qulakkearniarneqarpa? Pisussaaffik taanna malinninnginnermut kinguneqartitsinerusinnaasumik nassataqassava?
5. Qanoq sulliffeqarfiit ilinniartut suliffimillu misiliisut isumaginninnikkut ajornartorsiutinik, atornerluinikkut allatulluunniit inuttut sulisinnaanikkulluunniit ajornartorsiutinik tunngaveqarlutik sulisinnaanngitsut iliuuseqarfigissavaat?

Pisortanut aningaasagarnikkut allaffissornikkullu kingunissat:

Siunnersuummut nassuiaatini qupperneq 17-imi malittuanilu allassimavoq piffissamut 20120-imiit 2014-imut agguataarlugit 45,05 mio. kr.-inik immikkoortitsisoqarsimasoq, aningaasallu konto pingaarnermut 20.11.70-imut "suliniutinut nutaanut sillimmatit"-nut immikkoortinneqarsimasut. Aningaasanut inatsisissatut missingiummi konto pingaarneq 20.11.70-imut "suliniutinut nutaanut sillimmatit"-nut tunngatillugu ima allassimasoqarpoq:

*"Ilinniartunik suliffimillu misiliisunik atorfinitsitsinnermi inuiaqatigiit akisussaassuseqarnerat pillugu Inatsisissatut siunnersuut: Ilinniartunik suliffimillu misiliisunik atorfinitsitsinnermi inuiaqatigiit akisussaassuseqarnerat*

*pillugu inatsisissatut siunnersuutip piviusunnortinneratigut aningaasartuutissanut aningaasanik immikkoortitsisoqarpoq, tamannalu UPA2019-imi suliarineqarnissaa naatsorsuutigineqarpoq. Inatsisissatut siunnersuutip piviusunnortinneratigut ilanngaaseereerluni aningaasartuutit 2020-mi 1,25 mio. kr.-ussapput, 2021-mi 7,35 mio. kr.-ussallutik, 2022-mi 9,85 mio. kr.-ussallutik, 2023-mi 12,15 mio. kr.-ussallutik aamma 2024-mi 14,45 mio. kr.-ussallutik tamatumalu kingoma aningaasartuutit ikiliartulernissaat naatsorsuutaavoq. Aningaasat immikkoortinneqartut ilaatigut lærlinginut ilinniartunullu atatillugu sulisitsisunut tapiissutit amerlissutaannut aammalu ilinniartitaanermut tunngasuni ingerlatat amerlinissaannik naatsorsuutiginninnerup kingunerisaanik aningaasartuuteqarnerunissamut atorneqassapput.”*

Tamatuma saniatigut inatsisissatut siunnersuummut nassuiaatini allassimavoq Aatsitassanut Suliffeqarnermullu Naalackersuisoqarfimmi ingerlatsinermut allanullu siunnersuutip aningaasartuutaanerunissaa aalajangersimasumik naatsorsuutigineqartoq. Siunertamullu tamatumunnga ukiumut aningaasartuutit 800.000 kr.-iussasut missingersuutigineqartut. Ammaattaaq allassimavoq [www.suli.qi-ip](http://www.suli.qi-ip) naleqqussarneranut 2020-mut aningaasartuutissat 450.000 kr.-iusut ilanngullugit naatsorsorneqarallartut, taakkulu konto pingarneq 67.02.06-imut "Kalaallit Nunaat tamakkerlugu suliffissanut nittartagaq"-mut immikkoortinneqartut. Naggasiutigalugu oqaatigineqarluni siunnersuutip aappassaaneerneqarnissaata pingajussaaneerneqarnissaatalu tungaanut atugassiissutit tulluarsarneqaratarsinnaasut.

6. Qulaani allassimasoq ima paasineqassava, 800.000-it taakku 45,05 mio.-it konto pingarneq 20.11.70-imut immikkoortinneqartut kiisalu 450.000-it konto pingarneq 67.02.06-imut immikkoortinneqartut saniatigut immikkoortitaasut?
7. Aningaasat immikkoortinneqarsimasut qanoq atorneqarnissaat naatsorsuutigineqarnersoq pillugu itisiliiviginninnerulluni nassuiaasoqarnissaa ataatsimiititaliap qinnutigissavaa.
8. Nassuiaatini paasissutissiissutigineqarneratut kisitsisinut qulaani taaneqartunut tunngatillugu naleqqussaasoqarnissaanik pisariaqartitsisoqarpa?
9. Kaajallaasitakkut qitiusumik allaffeqarfiup ilinniartunik suliffinnillu misiliisunik amerlisitsinissamik pisussaaffilerneqarneratigut siunnersuutip ilinniarfiit amerlisinneqarnissaannik siunertaanik piviusunnortitsinikkut aningaasaqarnikkut allaffissornikkullu kingunissat ilanngullugit pisortanut kingunissat suussappat?

§ 3. tak. §4-mi pisortat suliffeqarfiutaannut tunngasoq:

Aalajangersakkat ima oqaasertalerneqarsimapput:

*”§ 3. Oqartussat Inatsisartut inatsisaat naapertorlugu tassaapput pisortaqarfii, pisortat ataatsimoortut, ingerlatsiviit allatullunniit ataatsimoortut pisortat ingerlatsiviinut atasuusut, imaluunniit allatut pisortaasut imaluunniit pisortanit pigineqartut imaluunniit nakkutigineqartut, aammalu Kalaallit Nunaanni ingerlatanik suliaqartunik sulisoqartut.”*

*"§ 4. Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni angerlarsimaffeqartoq."*

10. § 3-mi "pisortanit pigineqartut imaluunniit nakkutigineqartut" qanoq paasineqassava, tamanna pisortat suliffiutaat inatsisip § 4-aani ilaatinneqareersut?

Kommuninut tunngatillugu:

"Oqartussat" qanoq paasineqarnissaa § 3-mi allassimavoq. Aalajangersagaq pillugu nassuiaatini ima allassimasoqarpoq:

*"Siunnersuummi taaneqartutut aamma kommunit pineqartunut ilaatinneqarput. Kommuni taassumalu ingerlatsinermut immikkoortortaat, siunnersuut malillugu aallaaviatigut immikkoortortatut arlalittut, taamaalillunilu § 3-imi aalajangersagaq malillugu oqartussatut assigiinngitsutut arlalittut, isigineqassapput. Kommunimi oqartussat immikkoortortaat, immikkoortutik ingerlatsivimmi immikkoortortaaq, ilaatigut kommunip ingerlatsiviannut ilaasimasinnaapput. Taakkua assersuutigalugu tassaasinnaapput meeqqanut, ilaqutariinnut aamma meeqqat atuariinut ingerlatsivik, sanaartornermut avatangiisinullu ingerlatsivik, atugarissaarnermut, suliffeqarnermut inuussutissarsiornermullu ingerlatsivik, aningaasaqarnermut sulisoqarnermullu sullissivik aamma ataatsimoorussanut sullissivik. Kommunimi ingerlatsivik imaluunniit oqartussani immikkoortortaq sunaluunniit, immikkoortuni ingerlatsivittut immikkoortortaaq, taamaalilluni siunnersuummi § 3 malillugu oqartussaavoq. Ilinniartoq imaluunniit sungiusartussaq atorfimmi sorlermi atorfinitsinneqassanersoq kommunip nammineerluni aalajangissavaa."*

Inatsisissatut siunnersuummi § 8, imm 1-imi ima allassimasoqarpoq:

*"§ 8. Pisortat imaluunniit suliffiit kikkulluunniit suliamik ilinniarsimasumik ataatsimik arlalinnilluunniit sulisoqartut pisussaapput ilinniarfinnut susassaqartunut saaffiginninnissamut ilinniarfissanut imaluunniit sungiusarfissatut akuerineqarumallutik."*

11. Nassuiaammi "Ilinniartoq imaluunniit sungiusartussaq atorfimmi sorlermi atorfinitsinneqassanersoq kommunip nammineerluni aalajangissavaa" qanoq paasineqassava, tassungami atatillugu oqartussaasup ingerlatsiviunera tunngaviutinneqarmat, ingerlatsiviillu ataasiakkaat ilinniarfissatut/suliffimmik misiliffissatut § 8 malillugu akuerineqartussaasut?

Suliffeqarfiup nassuiaatigineqarnera pillugu:

Inatsisissatut siunnersuummi § 4 ima oqaasertalerneqarsimavoq:

*"§ 4 Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni angerlarsimaffeqartoq."*

Inatsisissatut siunnersuummut nassuiaatini § 4 pillugu ima allassimasoqarpoq:

*"Siunnersuut malillugu namminersortut suliffeqarfianni ilaatinneqarput suliffeqarfiit namminersortut matuma siuliani allassimasut suulluunniit, taanna kalaallinit, danskinit, nunanit allamiunit imaluunniit nunani tamalaaneersunit pigineqamersooq apeqqutaanani, suliffeqarfik Kalaallit Nunaanni suliffeqarfimmik ingerlatsippat imaluunniit ingerlatanik suliaqarpat naammalluni. Suliaqartuusut namminersortut nunanit allaneersut qanortuunniit iluseqartut, Kalaallit Nunaanni suliffeqarfimmik ingerlatsisut imaluunniit ingerlatanik suliaqartut, taamaalillutik siunnersuummi pineqartunut ilaatinneqarput. Namminersortut suliffeqarfiinit nunanit allaneersunit immikkoortortaqarfiit, Kalaallit Nunaanni suliffeqarfimmik ingerlatsisut imaluunniit ingerlatanik suliaqartut, aamma siunnersuummi pineqartunut ilaatinneqarput"*

*"Suliffeqarfiit taaguutaannut ilaatinneqarput assersuutigalugu aamma namminersortut suliffeqarfii nunanit allaneersut, Kalaallit Nunaanni pisortani oqartussanut imaluunniit Kalaallit Nunaanni pisortat suliffeqarfiinut siunnersuinernik sullissisartut aammalu Kalaallit Nunaanni pisortani oqartussanut imaluunniit Kalaallit Nunaanni pisortat suliffeqarfiinut siunnersuinernik sullissinerit pillugit isumaqatigiissutit neqeroortitsivigineqarneranni peqataasartut. Namminersortut suliffeqarfii nunanit allaneersut CVR-inut nalunaarsuiffimmi nalunaarsorneqarsinnaanngillat."*

12. Qanoq nassuiaatini immikkoortut issuarneqartut inatsisip oqaasertaanut "Kalaallit Nunaanni angerlarsimaffeqartoq"-mut attuumassuteqarpat?
13. § 4 ima oqaasertalerneqaraluarpat: "Suliffeqarfittut Inatsisartut inatsisaat naapertorlugu paasineqassaaq suliffeqarfik namminersortoq imaluunniit pisortat suliffiutaat sunaluunniit, Kalaallit Nunaanni tamakkiisumik ilaannakortumilluunniit akileraartussaataaasoq" qanoq kinguneqassagaluarpa

Sulisup suliamik ilinniarsimasup nassuiarneqarnera:

Aalajangersagaq ima oqaasertalerneqarsimavoq:

*"§ 5. Sulisutut Inatsisartut inatsisaat naapertorlugu paasineqassaaq inuk kinaluunniit, pisortanit atorfinitsitaasoq, tak. § 3, imaluunniit suliffeqarfimmit, tak. § 4, Kalaallit Nunaannilu sulianik ingerlatsisoq. Sulisuusutut isigineqassaaq kinaluunniit inuk, inuk taanna Kalaallit Nunaanni akileraartussaappat akileraartussaanngippalluunniit.."*

*Imm. 2. Sulisutut suliamik ilinniarsimasutut paasineqassaaq Inatsisartut inatsisaat naapertorlugu inuk kinaluunniit inuussutissarsiutinut ilinniartitaanerni ilinniakkamik naammassisaqarsimasoq, ISCED 2011-ip 3-4 nalinganik pisortani imaluunniit suliffeqarfimmi suliffeqartoq, ilinniakkamullu naapertuuttunik suliaqartinneqartoq..”*

14. § 5, imm. 2 killiliisutut paasineqassava, taamaalilluni taamaallaat inuussutissarsiutinut ilinniartitaanerni, ISCED 2011-ip 3-4 nalinganik ilinniakkamik naammassisaqarsimasunut atuulluni, imaluunniit aalajangersagaq suleqataasunut inuussutissarsiutinut ilinniartitaanerni, ISCED 2011-ip 3-4 nalinganik ilinniakkamik qaffasinnerusumilluunniit naammassisaqarsimasunut atuuttutut paasineqassava?

Najugaqavissup nassuiaatigineqarnera pillugu:

Aalajangersagaq ima oqaasertalerneqarsimavoq:

*”§ 6. Najugaqavissoq Inatsisartut inatsisaanni ima paasineqassaaq, inuk Kalaallit Nunaanni aalajangersimasumik najugaqartoq.*

*Imm. 2. Naalakkersuisut imm. 1-imi najugaqavissoq taaguut qanoq paasineqassanersoq aalajangersakkanik erseqqinnerusunik aalajangersaasinnaapput.*

15. Najugaqavissuunngitsut qassit piffissami 2014-imiit 2019-ip tungaanut Kalaallit Nunaanni ilinniartutut/suliffimmik misiliisutut atorfinitsinneqarsimappat?
16. Naalakkersuisut isumaqarpat tamanna tunngavigalugu inernilunneqarsinnaasoq najugaqavissuunngitsut ilinniarfissanik/suliffimmik misiliffissanik najugaqavissunut inangiisartut?

Ilinniartup/suliffimmik misiliisup nassuiarnera:

Aalajangersagaq ima oqaasertalerneqarsimavoq:

*”§ 7. Ilinniartutut imaluunniit sungiusartutut Inatsisartut inatsisaat naapertorlugu paasineqassaaq kinaluunniit inuk akuerisaasumik ilinniakkamik ingerlataqartoq, taamaalillunilu tassunga atatillugu ilinniartutut imaluunniit sungiusartutut suliamik ingerlataqartussa.”*


17. Oqaasertaliussani oqaaseq “ingerlataqartussa” atorneqarpoq. Aalajangersagaq ima paasineqassava, tassa inatsit taamaallaat pisuni ilinniartutut/suliffimmik misiliisutut sulineq ilinniarnarup ilaatut pisussaaffiumik sulianut atuuttoq, imaluunniit aamma pisunut ilinniartutut/suliffimmik misiliisutut sulineq ilinniartup nammineq kissaataa tunngavigalugu sulianut atuuppa?

Siunnersuutip suliffimmi misiliinerup ingerlanneqarneranut sunniutigisinnaasaanik nalillineq:

Ilinniarfissat/suliffimmik misiliiffissat amerlineqarnerat ilinniartunut pitsaasuinnaasussaasutut siunnersuutikkut saqqummiunneqarpoq.

18. Suliffeqarfiit "smileyqarnermik aaqqissuussinermi" ajortumik nalilernerqarnissaq pinngitsoorniarlugu pissutsit piviusut malillugit piginnaasaqarnertik sinnerlugu ilinniartunik/suliffimmik misiliisunik tigusinissaminnut tatineqartutut misigisimanerisigut ilinniarfiit/suliffimmik misiliiffiit pitsaassutsikkut appariarsinnaanerit isummerfigeqqullugu Naalakkersuisut qinnuigineqarput.

Inussiarnersumik



Henrik Fleischer



Umm 25

Allakkiaq  
Notat

Ilanngussaq 4  
Bilag

Uunga Inatsisartut Allattoqarfiat  
Til

Assinga uunga  
Kopi til

11-09-2020  
Sagsnr. 2016-6885

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

**UKA2020/25-mut apequtininut akissutit: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaqqeqarnerat pillugu Inatsisartut inatsisaat nr. xx, xx. xxx 2020-imeersoq.**

1. *Sunniuteqarnerulersitsinissaanik naatsorsuutiginninnermut tunuliaqutaasoq nassuiaatigeqqullugu Naalakkersuisut qinnuigineqarput.*

*Akissut:*

Suliffeqarfiit unammillersinnaassususaasa pitsanngorsaaviginninnissaminut periarfissaannut, nunami suliffinnik amerlanernik pilersitsinissamut, kiisalu suliffeqarfiusuni assigiinngitsuni pitsanngorsaaniarnerup annertusiniarneranut sulisartunik piginnaanilinnik pissarsisinnaaneq aalajangiisuvoq. Nunami sumiiffinni tamani – aamma suliaqarfiusuni arlalinni – suliffeqarfiit sulisartut kissaatigisat pissarsiariniarnerat ajornartorsiuteqarfigaat (takuuk Sulisitsisuni suliffeqarfiit akornanni sulisartut amigaataanerinut tunngatillugu Sulisitsisut misissuinerat tamanna). Taamaalilluni piffissami tassani suliffeqarfinni sulisartunik ilinniagaqarsimasunik 713-inik amigaateqartoqarnera misissuinerup takutippaa. Taamaattumik sulisartut amerlassusaasa aammalu maannakkut takkuttussatullu inuussutissarsiorfittut immikkoortortani sulisussarsiornermut naleqqiullugit piginnaasat akornanni quppaq annertusiartuaartoq pissutigalugu atajuartussatut annertunerulersutut suliffissaaleqilernissamut piffissap ingerlanerani annertusiartulernissaa pinaveersinniartariaqarparput.

Suliffeqarfimmi oqallinneq qaqutiguunngitsukkut imminut akerlerisunut ajornartorsiutitut taaneqarsinnaasumut nuunneqartarpoq; tassalu suliffeqarfik meeqqat atuarfiata saniatigut najoqqutassalikkatut ilinniagaqaratik inunnik amerlavallaartunik ilisarnaateqartoq. Taakkunanit amerlasuut nunatta



siamasissumik najugaqartiterneqarfiatigut sumiiffinni suliffissanut attaveqartuunngitsuni najugaqartuupput. Taakkunanit arlalippassuit suliffeqarfiusup annaavai, allallu pisortat ikiorsiissutaannit ikiorserneqarnissaannut innersuunneqarlultik. Tamatuma nassataraa najugaqarfiusuni sulisussaartoq, taakkuli ilinniagaqarsimangillat, nalinginnaasutullu suliffeqarfinnut pissarsiassaangillat.

Ukiuni takkuttussani suliffeqarfimmiittut allaat ikinnerulissapput. Tassaavoq nikikkiartuaarneq inuussutissarsiorfitsinni immikkoortoqarfinnik tamanik eqquisoq. Taamaattumik inuussutissarsiorfittut suliaqarfiusunut assigiinngitsunut tamakkununga sulisartunik piginnaasalinnik attassiniarlunilu aggersaanissamut, aammalu amerlanernik ilinniagaqartitsinikkut tamaviaarfissanut takkuttussanut sapinngisamik pitsaanerpaamik piareersarnissarput tamatumani pineqarpoq. Taamaattumik suliffimmik ilinniagaqarfinnut sungiusartarfinnullu aqqu tip tikinniernerata pisariunnginnerulemmissaa pisariaqarpoq, tassalu sulianut tunngasutut piunasaqaatit ajorriassangillat. Tamanna ilaatigut ilinniagaqarnermik ingerlatat pisariunnginnerit eqaannerusullu ineriartortinneri aqqu tigalugit pissaaq.

Amerlanipilussuit inuussutissarsiummik ilinniagaqalerlutillu piginnaasaasa annertusisinnissaat siunnersuutip qularnaassavai. Tamanna tassaavoq assersuutigalugu sanaartortoqarnermi sulinermi naammassisaqarsinnaassutsip pitsaanerpaanerullu qaffassarnissaannut pingaarnerpaatut tunngavigisassat ilaat. Siunnersuutip saaffigisaanut inuussutissarsiorfinnut taakkununga sulisartut pikkorinnerullutillu amerlanerit pilersinnerisigut pissusissamisoortutut kingunerisassat tassa tassaassaaq suliffeqarfiusuni assigiinngitsunit taakkunani pitsaanerpaassutsip aamma annertusiartormissaa.

2. *Siunnersuutip aningaasatigut kingunerisassai itinerusumik nassuiaatigeqqullugit Naalackersuisut ataatsimiititaliamit qinnuigineqarput.*

*Akissut:*

Inuussutissarsiornermut Aatsitassanullu Ataatsimiititaliamit apeqqutini eqqortumik taaneqartutut Suliffeqarnermut Naalackersuisoqarfimmi sulisussat ataatsimik amerlisinneqassapput. Sulisoq taanna malitseqartitsisarnermut pingaarnertut akisussaaffimmik tigusinnissaaq, aammalu suliffeqarfinnit pisortanillu uppernarsaassutinik qularnaarisassaaq. Ilanngullugu suliffissarsiorfittut nittartakkamik nioqquteqartuursorlu oqaloqatiginninnermut sulisoq taanna isumaginnissaaq, kiisalu tassunga tunngasunik piunasaqaatinik piviusunngortitsinissaat pillugit suliffeqarfinnik pisortanillu

oqaloqatiginnittassalluni. Suli.gl suliffimmi ilinniarfissanut sungiusarfissanullu nittarsivimmik nutaarluinnarmik ilanngussivigineqassaaq. Qarasaasiakkut iluarsiiissutip taassuma suliffimmi ilinniartuusinnaasunik sungiusartuusinnaasunillu suliffimmi ilinniarfinnik sungiusarfinnillu naleqqussaaniissamat pitsaanerusunik periarfissanik pilersitsinissaq qularnaassavaa.

Taamaattorli siunnersuummik, tassungalu atasutut oqaaseqaatinik erseqqinnerusumik misissuinermini (aammalu maannakkut COVID-19-imik ajornartoorfimmik tunngaveqartumik) sulisunik amerlisaanermut tassunga naleqqiullugu koruunit 300.000-it sipaarutissat nassaarineqarsinnaasut Suliffeqarnermut Naalakkersuisoqarfiup paasisimavaa. Suli.gl-imut koruunit 450.000-it immikkoortinneqartut – siunnersuummi aningaasaqarnermi kingunerisinnaasani nassuiarneqartut – ilisimatitsissutinik ingerlatassanut, TV-kut ingerlatassanut, angalanernut, nutserinernut il.il. atorneqassapput.

3. *Pisortani namminersortunilu lærlingit sungiusaammillu sulisut agguataarsimanerannut tunuliaqutaasoq nassuiaqqullugu Naalakkersuisut qinnuigineqarput.*

*Akissut:*

Pisortat aamma namminersortut suliffeqarfigisaanni suliffimmi ilinniartunik agguataarinissamat nalilersuinermut tunngavigisaq ilinniartunut tunngatillugu Kalaallit Nunaanni Naatsorsueqqissaartarfimmit ilinniagaqarnermut naatsorsueqqissaarinermi matumani aallaaveqarpoq:

<http://www.stat.gl/publ/da/UD/202006/pdf/2019%20Lærlinge.pdf>

4. *Lærlingit sungiusaammillu sulisut 2011-mi amerlanerusimanerannik naliliineranut tunuliaqutaasoq nassuiaqqullugu Naalakkersuisut qinnuigineqarput.*

*Akissut:*

2011-mi suliffimmi ilinniartut sungiusartullu amerlassusaasa qaffasinnerunerinik nalilersuineranut tunngavigisaq ilinniartunut tunngatillugu Kalaallit Nunaanni Naatsorsueqqissaartarfimmit ilinniagaqarnermut naatsorsueqqissaarinermi matumani aallaaveqarpoq:

<http://www.stat.gl/publ/da/UD/202006/pdf/2019%20Lærlinge.pdf>

5. *Lærlingit sungiusaammillu sulisut amerlassusiat matuma siuliani issuakkani allassimasut (277, 173 aamma 232) katikkaanni lærlinginut inissat katillugit 682-iupput. Kisitsilli taanna suliaqarfinnut*

*agguataarlugu lærlingit katillugit amerlassusiannut (732), ukioq 2018-imut takussutissiaq 1-imi allassimasumut naapertuutinngilaq. Takussutissiaq nassuiaatini qupperneq 7-imi allassimavoq. Tamanna isummerfigeqqullugu Naalakkersuisut qinnuigineqarput.*

*Akissut:*

Suliffimmi ilinniarsiit 682-it tassaasimapput – soorlu siunnersuummut oqaaseqaatini nassuiarneqartutut (takuuk qupp. 6ff) – suliffimmi ilinniarsissanut sungiusarfissanullu 2018-imi decembarimut agguaqatigiissitat, suliffimmi namminersortuni (277-it), pisortat suliffeqarfiutaanni (173-it), aamma pisortat qullersaqarfiini 232-it (138 + 94). Ataatsimut isigalugit suliffimmi ilinniartutut aningaasarsiaqarsimasut 2018-imi agguaqatigiissillugit suliffimmi ilinniartutut sungiusartullu 732-usimapput. Taakkanit Kalaallit Nunaanni Naatsorsueqqissaartarfimmit nalunaarsuinermi ilanngunneqanngitsut pisortaqarfiusumi peqqinnissaqarfimmi ikiortit isumaginnittoqarfimmilu ikiortit suliffimmi ilinniartutut sungiusartullu 94-iupput, taakku ilinniagaqarnersiutinik pissarsisarmata. Taakku 2013-imi 143-nit 2018-imi 94-inut ikileriarsimapput. Taamaalilluni ataatsimut isigalugit 2018-imi agguaqatigiissillugit suliffimmi ilinniartutut sungiusartullu 826-upput.

Taamaalilluni Inuussutissarsiornermut Aatsitassanullu Ataatsimiititaliap 2018-imi decembarimut agguaqatigiissitaq 2018-imut tamarmiusumut agguaqatigiissitamut assersuuppaa.

6. *Ingerlatseqatigiiffiit suliffeqarfiilluunniit pisortanit pigineqartut allat suut inatsit malillugu oqartussaasutut isigineqarsinnaappat?*

*Akissut:*

Assersuutigalugit namminersortitatut pisortat suliffeqarfiutaat (selvstændige offentlige virksomheder (SOV-it)) inatsimmi ilaasuunissaannik oqaasertaliussat qularnaarpaat. Pisortat suliffeqarfiutaannit SOV-it assiginngissutigaat naalagaaffimmi aqutsisoqarfimmi immikkoortoqarfiup aalajangersimasup iluani inuussutissarsiummik ingerlatalittut inatsisitigut inuttut naatsorsuussaannikkut, nammineq isertitaqartuullutik aningaasaateqartuullutillu, aammalu aningaasaliisarnermik aqqissuussaqaarfiusumi ilaasuunatik.

SOV-ip ilisarnaataa tassaavoq suliffeqarfiup aamma pisortat oqartussaasoqarfiata akornanni katitigaasutut ittuunini, nassataralugu SOV-ip inunmut oqartussaasanullu eqqartuussisarfiup akornanniinera.

Taamaalilluni suliffeqarfimmut tunngatillugu SOV ingerlatseqatigiiffinnut inatsisaasuni malittarisassani ilaanerusassaaq, tamatumunngali ilaliullugu oqartussaasunut suliaasaasinnaasunut tunngatillugu pisortanut malittarisassanut ilaasinnaassalluni.

Namminersortutut pisortanit pigineqartutut suliffeqarfittut namminersortitatut assersuut tassaasinnaavoq Nukissiorfiit.

Taamaattorli piviusutut nalornisoqarfinni pisortat pigisaattut ingerlatseqatigiiffik imaluunniit suliffeqarfik inatsimmik tassannga paasisaqarfiusumi oqartussaaffeqarfittut imaluunniit oqartussaaffeqarfiunngitsutut isigineqassanera eqqartuussiviit aalajangertussaassavaat.

7. *Suliffeqarfik pisortanit pigineqartoq inatsit naapertorlugu qanoq ilisukkut oqartussaasutut (§ 3 naapertorlugu) imaluunniit "suliffeqarfittut" (§ 4 naapertorlugu) isigineqassava?*

*Akissut:*

Imm. 6-imut akissut takuuk.

8. *Oqartussanut nassuiaatigineqartup § 3-mi allassimasup oqariartaatsip taassuma ingerlatsinermi maleruagassatigut paasineqartarneranit allaanera Naalackersuisunit qanoq isumaqarfigineqarpa?*

*Akissut:*

Sullissisarfik aqutsinermi inatsisaasunut tunngasuni oqartussaasutut inatsimmi ilaanissaanut aalajangiisuusoq tassaavoq inatsisikkut pisortanut inatsisaasunik tunngaveqartumik sullissisarfik pilersinneqarsimanersoq – imaluunniit namminersortunut inatsisaasunut pilersitsinikkut pilersinneqarsimanersoq. Aamma assersuutigalugu Namminersorlutik Oqartussanit pisortani oqartussaasunik suliffeqarfimmik qanoq sakkortutigisumik aammalu sukut nakkutilliisoqarnera aalajangiisuusarpoq, aamma suliarisaq pisortani oqartussaasut isumagisaannut erseqqissumik assingunersoq, kiisalu pisortanit tamakkiisumik imaluunniit ilaannakortumik tapiissuteqarnikkut suliarisaq aningaasalersorneqarnerasoq.

9. *Inatsisissatut siunnersuummut matumunnga tunngatillugu Aningaasaqarnikkut Patajaassuseqarneq qanoq attuumassuteqarpa?*

*Akissut:*

Aningaasaqarnikkut Patajaassuseq pisortatut suliaqartutut namminersortitatut pisortat suliffeqarfiutaat, Inuussutissarsiornermut Ministereqarfik aqqutigalugu Danmarkip naalagaaffianit pigineqartoq taamaallaat assersuussinissamut tunngavigisassatut assersuutitut taaneqarpoq, soorlu assersuutigalugu Nukissiorfiit Namminersorlutik Oqartussanit pigineqartoq. Inatsissatut siunnersuummut pineqartumut allatut Aningaasaqarnikkut Patajaassuseq attuumassuteqanngilaq.

*10. Pisortat oqartussaasut qanoq paasineqarnissaannik siunnersuutigineqartup kommunit aqunneqarnerat pillugu inatsit malillugu ingerlatsivittut immikkoortortanut akerliunera isummerfigeqqullugu Naalakkersuisut qinnuigineqarput.*

*Akissut:*

Aallaavittut kommunini immikkoortunut aqutsisoqarpoq, takuuk kommunini aqutsinermut inatsit. Taamaattorli tamanna aqutsisarnermut inatsisitigut oqariaatsini aalajangiisuunngiilaq, killeqarfigisaq uninngaannaanngimmat – soorlu kommunimi aqutsisoqarfiit aqutsisoqarfittut atuuffinnut allanut attuumassutilinni apeqqutini namminersortitatut aqutsinikkut immikkoortoqarfittut isigineqarput, soorlu sulianik ingerlataqarneq pillugu paasisaqarnissamik qinnuteqaatinut isummernerni. Taamaattumik pisortat oqartussaqaarfiinik siunnersuutigisatut nassuiaat inatsisinut attuumassutilinnut allanut akerliusuunnginnera Naalakkersuisut isigaat.

*11. "Kalaallit Nunaanni angerlarsimaffeqartuuneq"-rup qanoq paasineqarnissaannik siunnersuutigineqartup oqariartaatsip taassuma akileraartarnikkut paasineqartarneranut akerliunera naapertuunnersoq isummerfigeqqullugu Naalakkersuisut qinnuigineqarput.*

*Akissut:*

Kalaallit Nunaanni suliffeqarfimmik ingerlatsissagaanni Det Centrale Virksomhedsregisterimi (Qitiusutut Suliffeqarfimmik Nalunaarsuiffimmi) nalunaarsorneqartariaqarpoq. Nalunaarsorneq qarasaasiakkut pissaaq, ugguuna: <https://indberet.virk.dk>. Aammattaaq ingerlatseqatigiiffiit sulisunik atorfinitsitsinissamik pilersaaruteqartut sulisitsisunik nalunaarsuiffimmi, Sulinal'imi sulisitsisutut nalunaarsussapput, ugguuna: <https://sulinal.nanoq.gl>.

2018-imi juulimi ingerlatseqatigiiffinnut inatsit nutarsagaq atulerpoq, taassumalu ingerlatseqatigiiffiit nutaanik ilutsit atorlugit pilersissinnaalersippai. Taamaattumik "Kalaallit Nunaanni angerlarsimaffeqartuuneq"-mik nassuiaat


oqaatsimik nerumittumik nassuiakkatut akileraartarnermut tunngasutut paasinninnermut akerliusutut isigineqanngilaq.

Ingerlatseqatigiiffik Kalaallit Nunaanni aalajangersimasumik ingerlatsiveqartuunera pillugu apeqqummi Organisationen for Økonomisk Samarbejde og Udviklingimi (OECD-mi) (Aningaasaqarnikkut Suleqatigiinnermut Ineriartortitsinermullu Kattuffimmi) tunngavigisanik malittarinnittuusutut Kalaallit Nunaat tamatigoortutut isigalugu oqaatigineqarsinnaavoq.

*12. Ajornartorsiutit siuliani taaneqartut saniatigut ataatsimiititaliap oqaatigissallugu tunngavissaqartippaa "oqartussap" kiisalu "suliffeqarfiup" nassuiaatigineqarnerisa pisariaqassusia ataatsimiititaliamit paasiuminaatsinneqarmat, tassami oqartussanik suliffeqarfinnullu assigiinngitsunik pisussaaffiliinissaq pineqanngimmat. Tamanna tunngavigalugu isumaliutigineqarsinnaavoq §§ 3 aamma 4-mi oqaasertaliussat peerneqarsinnaanersut paragrafimillu assersuutigalugu ima oqaasertalerneqartumik taarserneqarlutik: "Sulisitsisutut paasineqassaaq sulisitsisoq kinaluunniit Kalaallit Nunaanni sulianik ingerlataqartunik sulisulik". Oqasertassatut nutaatut siunnersuutigineqartoq taanna isummerfigeqqullugu Naalakkersuisut qinnuigineqarput.*

*Akissut:*

Ataatsimiititaliaq tamatuminnga attassissappat Naalakkersuisut §§ 3-mi 4-milu oqaasertat siunnersuutigisatut oqaasertaliussassanik taarsiiviginissaannut ataatsimiititaliap siunnersuutigisaa pillugu oqallinnissamut piareersimassapput.

Inussiarnersumik Inuulluaqqusillunga  
Med venlig hilsen  
  
Jess Svane

**Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaattut siunnersuut pillugu**

## **ALLAKKIAQ**

Ulloq: 29. april 2020

Inatsisissatut siunnersuut siuliani pineqartoq Inuussutissarsiornermut, Nukissiuteqarnermut, Ilisimatusarnermut Suliffeqarnermullu Naalakkersuisoqarfimmit Inatsisartut Allattoqarfianni inatsisilerinikkut misissugassanngorlugu nassiunneqarsimavoq. Inatsisilerinikkut misissuineq tunngavigalugu siunnersuutip akuersissutigineqaratarsinnaanera sioqqullugu inatsisilerinikkut pissutsit iluarsivigineqartariallit pillugit ataatsimiititaliamut ilisimatitsinissani Inatsisissanik nalilersuisarfiup tunngavissaqartippaa. Allakkiaq siunnersuummik inatsisilerinikkut misissuinerup imarisaanik annertuumik naalisaaneruvoq.

### Siunnersuutip qulequtaa pillugu:

Inatsisissatut siunnersuut nassiunneqarnermini ilusilerneqarsimanermisut suinnersuummik pilerisaarutitut iluseqarpoq. Tamatuma saniatigut oqaasertalerneqarnera taasissutissartamik pisarialik sinnerlugu takinerulersitseqataavoq, tamanna inatsiseqarnermut immikkoortotaqarfimmut najoqqutassiami imm. 3.3.1. malillugu kissaatiginanngilaq. Tamanna tunngavigalugu inatsisilerinikkut misissuinerminut atatillugu inatsisissanik nalilersuisarfiup Naalakkersuisunut kaammattuutigisimavaa, siunnersuut naannerusumik eqqornerusumillu ersersitsisumik taasissutissartalerneqassasoq. Tamanna tunngavigalugu qulequttap imatut iluseqalersillugu allanngortinneqartariaqarsinnaanera isumaliutigineqartariaqarpoq: "Uunga siunnersuut: Ilinniartunik sungiusartunillu atorfinitsitsisussaataaneq pillugu Inatsisartut inatsisaat nr. Xx, Xx. xx 2017-imeersoq".

### Siunnersuummi kapitalinut qulequttat pillugit.

Kapitali 1-imi "Kapitali 1"-imik taallugu qulequtsiisoqarsimavoq. Taannali immikkoortumut qulequttatut ilusilerneqarsimavoq, tassami malittuanik kapitalip taassuma iluani immikkoortumut qulequtsiisoqarsimammat. Taamaalilluni kapitalimut qulequttamik amigaateqarpoq. Tamannattaq qulequttap "Kapitali 2"-p ataani kapitali 2-mut atuuppoq. Tassanili kapitalip qulequtaa kisimi pinnani aammattaq immikkoortumut qulequtaq amigaataavoq. Tamanna tunngavigalugu isumaliutigineqartariaqarpoq kapitalinut pineqartunut qulequttamik ataatsimoorussamik toqqaasoqassanersoq, imaluunniit inatsisissatut siunnersuutip ilusilerneqarnera eqqarsaatigalugu

immikkoortunut qulequttat sinneri peerneqassanersut. Inatsiseqarnermut immikkoortortaqarfimmut najoqqutassiani imm. 3.4.2 takuuk.

Inussiarnersumik

Kathrine Ødegård  
Cand.Jur.